

福生
回生

第二期

呂祖師降乩題示

福澤未嘗欺法行
星河自有法船登

辛亥冬無名氏

有志願為天下雨
洒向蒼生作永春

壬子年春書於名氏書

并附

聖典經章四冊

呂祖仙師治心妙經

呂祖仙師直解心經

高上玉皇心印妙經

太上玄極混元一炁度人妙經

願將我修持
普度諸眾生
同得無生悟
正覺早完成

壬子秋吉名氏

福星編後言

九層之臺起於累土
千里之行始於足下

太上之書極功之道

吾名氏

呂祖仙師序

夫道者無也。太易太初。蓋天地之鍾靈。運歷劫而長存。非清靜而可通。靡全誠而能格。俗類凡世。惟利慾之是徵。捨真性而轉昧。爲仕者。位祿徵爭。爲農者。難安淡薄。爲工者。好高騖遠。爲商者。逐鹿貲財。雖捧醒當頭。終難守其本份。致異禍天來。或常多苦惱。人若安己分。守業聽天行。散禍成祥。家有泰來之慶。崇善修德。宅有瑞靄盈庭。惟盼衆生速省。俟之天命。努力於當前。皆得其樂矣。

壬子七月

純陽子降於香江抱道堂

弁言

編者無名氏

逐逐閭浮。滾滾塵世。天時倒亂。披毛而戴角。混侑陰陽。故頻頻有凶終離亂。易曰。積善之家。必有餘慶。積不善之家。必有餘殃。故聖人以君子固窮。小人窮斯濫矣。當知天地生人。合陰陽之造化。倚兩大以生成。鞠之育之。澈夜不眠。而心血力盡。方興未艾。遽失君子之道而效小人之非。體強恃力。故犯皇章。背五常於不顧。舍八德以忘遺。不知傷兒知肉。痛心於親。猶未翻然自覺。終至大禍而臨。值有用之年華。從此養性修德。罪一赦則釋如冰雪。家之孝子。國之棟樑。未失良機也。

福星小引

編者

太上云。五色令人目盲。五音令人耳聾。是知色聲令人迷惑。明師難尋。是以難明。大道難聞。是以難覺。蒼黃易染。豈易還見本來。是故先聖立教傳經。以本原道德性命之學。啓發規正後人。道場壇院廣設。降鸞引世人。方便常開。求遇有緣。溯余未入道門。日惟乎事名利。忘求奢華。自蒙仙師訓誨。如夢初醒。修省惟恐不週。行持惟恐不足。有賴真誠感應。亦賴紀錄訓言之小冊。暇則默誦心維。細味其旨。方知仙佛慈悲。道德可貴。由是內懺昔日之非。切志遵守。常懺常守。積習日漸消除。常修常持。漸而奉持於無形矣。今以師聖之訓示。名爲福星。集刊廣傳。以爲同道共勉。師恩難報。唯體慈心。唯

遵聖訓。唯秉承其志願耳。並附有修心養性經典。
。實為暗室之明燈。真徑之南針。但願聞道君子。
。知止知行。知本知返。同登覺岸焉。

福星獻言

編者

吾道堂院。港九林立。多有龍華堂之設置。以安
奉先靈。登壇禮懺。誦經超度。賑災扶危。贈醫
施藥。道堂道侶。俱見行之。具見慈悲德行。善
業立矣。然而修持場所與禪房之設置。以為道侶
同人修持有地。莫可缺也。使有志者以出世。離
火宅者以清修。閑逸者以覺修。苦惱者以靜修。
則闡教工作。更見完美宏大矣。吾輩同人。身為
仙徒佛子。同沐天恩。師聖垂澤。當遵師聖訓
誨。替天行道。福世惠民。當知行止。上體天心

。下亦不枉住世之使命焉。夫修爲之道。首具真誠。立志立願立行。立德立言立功。志向大道。願度衆生。行藏抱道。行之至廣。用之至公。躬行九美。內則正心修身。憫世悟道。外則弘揚道法。秉正人心。慈愛蒼生。利濟萬物。惟處其實。不處其華。尤貴堅定不搖。或以師聖之志願爲志願。德及萬方後世。功及陰陽萬代。立言傳經。廣印典籍。以衛道法流傳。以爲同道路引。以之教化生民。須知性爲心修。心爲經引也。廣建學院。灌輸聖教。廣植道苗。以增來者。對當前之頹風惡俗。闡教以移易之。挽回已壞之人。心。務使世人以慕道崇德爲風尚。此爲福世普度功德。然須羣策羣力。各具真誠。始爲功也。但願同人。深明斯義。共同造福同道而及萬民後世。

。則陰安陽樂。天地含光。吾道更興隆矣。夫修道之道。必先虛其心實其腹。不見可欲。使心不亂。以自然無爲爲宗。以真常得性爲旨。以澄心遣欲。無妄無相爲功夫。以清淨冲虛爲究竟。然則必須修心養性。修心養性。則必須行功參玄。非行功參玄。不能見性。則難登聖域。是故性命雙修。修性經典。當參太上十三經及內修之五經四書。一切真人諸品。仙經丹書。降乩法語。又有道書全集。修命者。行功益壽。行德延年也。道德高厚。正氣常存。光明常在。正氣光明。則心安身樂。心平氣和。平和安樂。則壽命綿長。是故修命者。亦即力行使命。力修功德也。但願早覺行持。承先啓後。繼往開來。則普天同慶。而功德永垂不朽矣。

鍾離太祖師訓示
降於抱道堂

崑崙瑰偉閣凌空
有此人間播道宮

縱橫俯仰空
今古香海山河在眼中

塵裏莊嚴仙洞府
爐香裊裊瑞烟籠

一室薰陶蘭茝氣
桃李春風道味濃

吾道法門無二至
不偏不易是中庸

居行抱志原無異
培植根源乃善功

一蹴便登賢聖域
普渡宏施濟大同

吾道護法神

王天君降示

護法鐵肩担
降魔不畏難

玉成修道者
時刻在人間

我貌最驚人。我心最愛羣。專滅兇殘不孝子。降
魔護法到紅塵。都天糾察奉玉旨。事事轉告關帝
君。但願惡人知警惕。勿謂無情又寡恩。

太上道祖訓示

大道廢。有仁義。國家昏亂而有忠臣。衆妙之門
也。視之不見。名曰夷。聽之不聞。名曰希。
故人爲求道。以歸根爲本。歸根。曰命。知
命。曰常。故聖人之道也。虛其心。實其腹。
以冲虛是尚。庶近道矣。

太上道祖訓示

大道無爲萬善基。百年歲月好修持。
紛紜攘奪真如幻。一旦無常悔已遲。

擾攘人寰修善基
蓬瀛喜迓當仁客
堪笑世人毀善基
恢恢天網豈容漏
寸陰莫廢道功持
急起回頭尚不遲
陰遺陽奉枉修持
莫道如今悔已遲

太上道祖訓示

道教雖吾祖
凡諸門下士
衆生皈依者
純陽闡四方
汝師是正綱
終可達仙鄉

太上道祖訓示

百家諸子各真詮
文字五千言道德
誰是金丹證上仙
無邊玄妙在心傳

道德天尊降示

道運興隆助諸生

德厚慧高出賢人

五千文字皆金玉

兩卷黃庭迷亦甦

今宵正逢投燈慶

特乘雲鶴到紅塵

呂祖仙師訓示

五千字字蘊玄機

大道心傳入妙微

悟到此經無着處

長生有術五行離

呂祖仙師訓示

一卷黃庭細揣摩

道傳心法盡包羅

若將玄妙參同契

虫臂鼠肝皆太和

雲中子仙師訓示

不種前因何有果
名場一入如枷鎖
莫如淨養坐蒲團
一卷黃庭勸自課

廣成子仙師訓示

道無涯岸深如海
未到參玄總杳然
只有靈台微妙境
黃庭熟讀識心傳

張祖師題示

世上神仙何處尋
一經道德覺道深
蓬萊不是萬千里
只在人人一寸心

張三峯祖師題示

經文意義悟由心
不是喃喃信口吟
禮懺欲消三世業
應從功過細思尋

呂祖仙師訓示

求道由心起 修身養本神

遵師能奉道 方為道德人

呂祖仙師訓示

心有師 意有道德

縱有窮途 變為通路

呂祖仙師訓示

佛道同歸皆一徑 修成一樣悟無生

怪哉近世縑流輩 門戶相分失所經

桃源功德佛訓示

何堪世事歷滄桑
大夢覺來粒粟藏
艷李紅桃青翠竹
殊途原是共仙鄉

達摩祖師訓示

南北原一步
東西何必分
佛道原真理
守一在寸心

濟佛訓示

君披鶴氅我袈裟
千杯壽酒醉流霞
同叙一堂笑
哈哈。仙興佛。交誼素堪嘉。
可笑人間各自誇。
說甚麼釋門。講甚麼道家。
不知佛道本同源。
一樣悟無生。
齊齊出造化。
極樂與蓬萊。
皆是逍遙快活無牽掛。

何仙姑題示

修道原無性別分

蓬萊不少是釵裙

寄言至囑諸坤道

青馨紅魚日繼昏

采和題示

還原返本即成真

不論童身白髮人

玄妙貫通丹九轉

大羅天上任棲神

大成至聖孔子先師題示

當年設教杏壇宮

以孝傳經挽世風

講義說仁論道德

方知吾道本中庸

太乙真人仙師訓示

問道真誠。得益無限。參玄雖未達。知法近邊緣。
。機緣近咫尺。尋徑竟無人。皆因緣會淺。所以
不關心。

關聖帝君訓示

一刀匹馬走天涯。義結桃園手足依。
讀罷春秋才問道也。覺當年學已遲。

呂祖仙師訓示

未具津梁萬世之心。不足以證菩提之果。普度芸
芸。慈悲切切。渡彼同登覺岸。宏願欣成。此是
道門濟衆之要旨。吾輩早離三界。久出五行。衣
鉢逍遙。而斤斤然猶向軟紅塵世佈道開壇者。亦
完我初哀。渡我同修門下。他日世法了完。一心

無亂。乘余寶筏渡此慈航。蓬萊咸在心頭。超凡入聖。無非一覺耳。

呂祖仙師訓示

信道篤而不惑。運慧悟以參玄機。明正邪。不亂投途徑。莫聽聞妖言而生驚悸。不作橫議。以至橫民。是為修行之要旨。執定信願行三字。終此身。而志向不搖。有此特立獨行。不顧人之是非。修道如斯。庶幾乎可矣。

呂祖師尊訓示

向道研經。不患其智慧之不生。而患其定力之動搖。蓋智慧乃從心性參悟而生。由學問久練而成。勤則功深。熟則生巧。從時日與歷練得來。孔

子曰。假我數年五十以學易。可以無大過矣。非虛語也。無論學之深造到如何地步。人之智愚皆可達到。所分別者遲與早耳。苟其定力不堅。則必學無成就。其雖為智者。散慢無心。而愚者則堅持苦學。究竟功夫。則智者不及愚者遠矣。由此觀之。不論其為智為愚。倘能定力堅強。則羣經萬典。不難透參奧旨也。

呂祖仙師訓示

經者。正也。亦道之正者也。懺者。誨也。誨其既往過失而勉以將來也。聖人著經立說。言言有道。皆足為天下後世法。至於懺者。聖人舉出人
生過程。經犯種種之大小過失。分別而列之。俾
衆生知所懺誨。不憚改也。吾人誦經禮懺。應知

經義。日常品行當取法於經。閉目靜思既往之過。改正以勵將來。不應只學聲音。作為彈詞歌調。將經義懺悔之心。置於九霄雲外。否則。誦經懺悔又何益哉。但聖人刪詩書定禮樂。知雅樂韶音足以和悅性情。使人歡喜暢快。所以釋道皆有青磬紅魚。齊奏法器。集一堂而歌和之。使解愁悶。明經義知過改也。不應作為舞台歌唱視之。方是誦經禮懺之道。

呂祖師訓示

學問常懷不足。虛心求教高賢。是人縱使至愚。日久必成大器。學識終有過人。苟其半解一知。即欣欣然自滿。或被旁人博問。少拂逆其意。反言相駁。盛氣凌人。此人雖有些少聰慧。百凡種

種。自以爲是。則終身所學。必無成就。與廣博多聞。其爲學也。今日如是。明日亦如是。終其身世百年。亦不過如是。永無深造進境之期矣。

呂祖仙師訓示

天下之事。無一是難。亦無一者是易。有堅毅心力。任何萬難之事。一日不成。圖諸異日。鐵柱亦理可磨成針。所不能成功者。世人之不能堅毅苦力爲之而已。事雖易行。每每視其易而毫不經意。等閒視之。一旦錯誤。無可收拾。古人所謂毀於隨也。道途險阻。山徑崎嶇。每可安然度過。康衢大道。平坦易行。恆多跌蹶。無他。視其易行。絕不關心在意耳。由此而言。吾人畢生事業。學問修爲。其成功失敗。未嘗不基於此也。

呂祖仙師訓示

吾人處世宗旨。修德行仁固屬份內必然之事。至於謀生事業必先們心自問。既益於己尤應毫無貽禍害於人。而取什一之利。所謂有道之財無傷也。至於走私漏稅。行險僥倖。違犯國法。至遭刑罰。有志之士不為。而甚者販毒物以遺害社會。圖目前之厚利。種種求謀必遭天譴。近則禍在其本身。遠則及於子孫。天網恢恢疏而不漏。諸子拭目靜觀世界間前前後後。其報應為如何可以知之矣。至謂某販毒。某也開賭包庇淫娼。而今尚富貴利達。是不暫時風光。其應得之惡報時未至耳。總之生活方式。求心之所安。富貴歸於運會。如是造人。庶幾可矣。

呂祖仙師訓示

人之初具形骸。真性未泯。咸是清清童性。淨淨孩真。如白碧之無瑕。皎素之絲帛。及其知識漸生。知所好愛於斯時也。白圭初玷。思想參差。蒼黃易染。如無培養之功。道德之教。為不良事物之惡化。其變本味良。或則淪墮不振。伊於胡底。故吾曹修道。應求修返童真。清心寡欲。雖未能大徹大悟。亦須不至為愛好事物所痴迷。漸次用道功培養真性。心意功夫。為良知所引起。良心不泯。惡化難侵。修道之基礎。庶幾乎尊定矣。

鍾離太祖師

呂祖師尊

訓示

張三峯祖師

萬方闡教醒羣迷。普度初衷願竟違。
道岸同登消業劫。衆生何事不依皈。
憐他五濁戀娑婆。欲度痴迷度不多。
一夢邯鄲猶未醒。令人無奈衆生何。
早離利鎖脫名纏。智入莊嚴大道場。
一悟色空離苦海。回頭覺路有仙鄉。

張三峯祖師訓示

有維持萬世之教。有補教一時之教。所謂維持萬世之教。開宗於堯舜。而大備於孔子。孔子之教。可以用於今。可以用於古。可以用於常。可以用於變。維繫人心。頑廉立懦。誠入世之法門。

忠孝廉節。修身克己之大道也。夫先有入世之功
德。然後方有出世之功夫。故修道之徒。欲不經
我夫子之道。而立根基。則仁不仁。義不義。綱
常未正。慈孝友恭。猶未完其大義。妄欲修性修
命。見性明心。又何可得哉。故先立身然後修道
。先有孔門聖教之根基。方能生其智慧。晉修釋
道。始由道有徑。否則異道旁門。歸於淪墮矣。

關聖帝君訓示 降於抱道堂

大丈夫讀萬卷書。提三尺劍。明恩怨。重肝胆。
志秉春秋。縱橫宇宙之間。閑君無事。獨善其身
。如得其時。當與世之梟雄共爭偉業。謀國家之
富強。進蒼生之幸福。某也少離鄉井。壯走天涯
。結合四海奇侅之士。中原忠盡之臣。於是義結

桃園。共勤王事。佞天不祚漢。氣數難回。真使
英雄酒淚。徒喚奈何。幸
天帝愍予忠義。位極天堂。然出生死。超三界五
行之外。尤以佛道尤爲慧悟高超。故予亦上拜三
清。西朝三寶。今日偶過香江。覩此堂道味濃溶
。善緣似海。遂留鴻爪云爾。

關聖帝君降示留題

功名虛是留青史。世澤何曾五世昌
似我英雄還短氣。至今只有姓名揚
看透人情空即色。獨有仙鄉日月長

純陽敬題

浩然正氣足千秋。史冊英雄姓字留

名將幾人登聖域
古今惟有壽亭侯

三峯敬題

美大聖神今古少
漢到如今有幾人
惟獨關公特傑出
千秋黎庶仰忠臣

張三峯祖師認日之題詩

純陽敬題

丹成晉位列仙卿
領罷除書下玉京
歸到蓬萊交共訂
志趣同深普度情

李白敬題

清如水月淡如雲
亮節高風處處聞
華誕今逢應慶祝
羣真歡叙酒同醺

呂祖仙師題示

一寸心靈一片胸
慈航苦海在其中
神仙境界無奇異
愚昧通靈別哲庸

呂祖仙師訓示

談道不異於研究學問。不妨博問明辯。同道中人
互相理解。苟有一知之見。樂得貢於同人。或覺
有所不明瞭之處。何妨虛心求教。不耻下問。方
能精益求精。互有裨益。最不應自以爲是。城府
過深主觀太強。迂腐堅持己見。不容他人之駁辯
。甚且憤怒不平。論道而變鬥氣。此種人終其身
而不知道。充其量亦只得一知半解。故求道論道
。必先心平氣和。此山還有彼山高。不能自己是

獨具高見也。總之道之爲道。深如淵海。學不盡焉。

呂祖仙師訓示

有真性情。無機械心者。則父子之間。慈孝必矣。在兄弟爲友。於爲夫婦則莊敬。其能肝胆交友。其執政愛國仁民。反乎此也。可能天性沉淪。頑囂忤逆。骨肉傷殘。鬩牆爭鬥。更易於離異家散。友交而變爲仇視矣。所以仙仙佛佛普度衆生。開壇說法。咸具真性至情。說誠實言。以開示衆生。無半點虛偽。依經參法。終必成真。在世法爲聖爲賢。孰非真性情而有此大成就哉。

呂祖仙師訓示

汝曹修道之士。一日不能脫火宅。即一日不能離世法。所以講道之餘。且談談處世處家之方。朋友是五倫之一。君子之交必以義。但義與利當前。孰輕孰重。全憑肝胆見患難之時。每見小人之交友。當其富貴共處。道弟稱兄。及其相處患難則重利而忘義。皆由平時相交不能披肝瀝胆相與親慝。亦時懷機械之心。言不從心。共事不信。上犯天條。下乖道德。縱使目前得志。或者前生或祖德修來。但報盡則天罰隨之。因果不爽。處家庭之中。事父母固應純孝。對妻子亦當平等。互相敬愛。勿用意氣勿加惡言。猶不應頤指氣使。動輒奴役之。苟有過失。亦只可溫言箴勸。由是家和致祥。福德必有其享。父母為兒女之鏡。人能如此則孫賢子孝。自然教育勝於夏楚之施。

勝於耳提面命。約略言之。亦可知其道矣。

呂祖仙師訓示

處聲色犬馬隨地迷人。之港九。不特立志未定之青年易於淪墜。即或有老於世故。偶然環境不景。嗜好轉移。為其所惑。貪念頓萌。墜此殼中。真乃處處陷阱。皆可以迷人。所以管教兒女不能不着意關心。否則耳聞目見。漸漸就可能濡染成性矣。

呂祖仙師訓示

以目前之港九社會。人心奸宄。道德淪亡。本無今日之安寧幸福。試看離港九版圖咫尺之地。已蒙不少非常所有之災難。非天心之偏港人。實因

此道堂佛社如林。慈善機構迭興。道氣磅礴。瑞
靄凝於四方。仙光集於一地。實足以消弭災禍。
苟更能維繫人心。宣揚道教。不獨可以消災而可
以增祥。雨順風調。誠非難事。所以弘道揚法爲
最大功德。願我同人。知此天意之無私。實緣修
道闡教邀福也。

呂祖仙師訓示

因緣福德。各具前因。乘除加減。定在蒼穹。立
功德。善修行。盡其人心。各有主宰於天。功
德即爲修道之資糧。多一日功德。彼岸之途。近
多一尺。少造一天。可能退回一丈。所以修行之
道。不進則退。我行我道。我修我功。莫看別人
榜樣。勤惰雖有因素。福德各有福緣。良因收好

果。是不可移易之真理也。

呂祖仙師訓示

揆我同門。大都是勞人草草。非商即工。非工則學。生計需求各執一業。既未精研內典。又何能妙悟三乘。今欲其一旦一塵不染。五蘊皆空。夏夏乎其難矣。惟教之以修行途徑。而必達到可修機會。先種善根。養成道果。昔賢謂仁者壽。誠非虛語。善長仁人。已是無形中之修命。修性工夫不患無時。而况積善在心田。家有餘慶。在乎天理。亦必能門楣昌大。後代興隆。卸却家庭重負。切志修行。尚有如許光陰。此一途徑。皆從善字得來。本師深望同人。透明是理。但幸獲此時期。不可輕輕放過。重復痴纏。情牽孫子。人

身一失。只有墜入沉淪。世世生生。渺無道岸矣。

呂祖仙師訓示

爲善之道。不一定限於金錢物質之佈施。隨時隨地。抱仁慈之性。可以助於人而利於世者。竭盡吾力之所能。欣欣然有歡善心。樂而不倦。斯爲真善矣。助人爲快樂之事。無絲毫自利於其間。斯爲至善矣。用金錢魔力而欺壓於人。固是惡暴所爲。傷天害理。斯爲不善矣。假金錢力量。沽取善名。因以爲利者。行事似善。存心不善矣。此僞君子也。明明作惡。善良者。尚可遠之避之。知其爲小人也。若彼僞君子之流。滿口仁義道德。暗懷貪殘欺詐。如是僞君子。其惡更惡於明。

明作惡之小人。至於藉善以取名利。雖萬千佈施。外表無吝色。亦不得爲真善士。因因果果。天報自有安排。何容詐僞。總之人尚可以欺。又何能欺天哉。蓋真善與僞善。及其作惡犯科。無不出自半寸心靈。是福是禍。亦是。由心裏招來。可不慎乎。

呂祖仙師訓示

生我者不能不孝。藉報罔極深恩。聖者不能不慈。以完教養之道。古來聖賢仙佛。對此孝慈兩者。均必盡道而責任所旁貸。如果父母能慈。子女賢孝。人生之樂其樂淘淘。兩責完成。飄然修道。無所顧慮。誠幸事也。或有父母頑囂。兒子不肖。以堯之賢聖而生丹朱。舜之純孝而有瞽叟。

人生遇此。又將何以處之。亦當盡吾之孝道教養能事畢。然後責任完。惟知以至孝而感格其親。以五倫八德之道教化其子。盡心竭力。能否如吾之所願望。惟聽其自然。聖人猶有難能。完其責任足矣。然最後修持機會。不因此幸不幸而變遷也。

呂祖仙師訓示

吾門道侶。寄身五濁紅塵。猶其是君士身。棲遲火宅。雖篤信修持。勤於經懺。然結果能即此一生。臨命終時一心不亂。魂歸蓬萊。或投返佛國者。真是鳳毛麟角。千萬中無一人。吾雖抱普度宏願。實感無法個個提携。祇於吾門弟子同人。如非不守道德。大違師教。終其身能遵師奉道。

爲世法所規範。當此一生中。未能大覺大悟。或其臨命終之際。心性迷亂。魂魄蕩。無常一到。容易淪墜陰曹。此時吾必有所扶持。有仙緣者。引歸仙道。有佛緣者。引至佛門。俾其身後得以苦修。至於此後成就何如。則非我所知矣。但凡屬吾徒。皆獲此福德因緣耳。

呂祖仙師訓示

人之所以聚散無常者緣也。緣合則道同相爲謀。如不合則道不同。不相爲謀矣。先世之積德。則今生以收其實。今世之種因。則來生以得其果。故子曰。不怨天。不尤人也。蓋一飲一食。莫不由先前之所種。故人不以勞苦而自怨。貧窮而自艾。蓋所以知前生之非。修今生之德。而自望於

來世。故夫子以安於天命。亦以君子固窮。小人窮斯濫矣。或曰。豈非坐以待斃乎。實非也。有生之始。得陰陽之氣結。仗兩大以生成。故不知其所以來。劬勞之恩。養之教之。牙牙學語。命已有而性未成。如男三歲。若女五齡。一真未失。安知異日榮貴抑勞苦哉。是將相本無種也。當自強之。故人盡其心以傾誠。舍來日之收獲而休論。是專心致志而安於命也。苟得一善。漸入佳境。則拳拳膺膺。不勝雀躍。蓋天心已盡。問心無愧。不亦樂乎。故人不以其強而謂貪。天不以其成而謂驕。此當為真樂矣。

呂祖仙師訓示
壽夭窮通俱夙因
何曾半點可由人

謀深自古傳瑜亮。到底難逃是劫塵。
人生之否泰有數。日月之盈虧有時。莫之能強也。
。每見世人多強。不然而以爲然。貪嗔徒喜。煩惱叢生。去道日遠。余向以此爲諸訓誡。能善體余訓者固衆。但爲利欲所蔽。而忘其本性者。亦所難免。故特再爲警惕。各宜自省其躬。知所砥礪。

呂祖仙師訓示

又聞海角市聲囂。競逐名場起似潮。
到底凡情終是幻。能窺道法俗懷消。
香島一隅之地。華洋雜處。利市名場。競逐不休。
。百年一日。自古已然。惟道法日微。塵孽日重。
。仁義何存。孰知積孽日重。愈難自拔。因果之

報。誰云或爽。豈不見華堂昨日猶歌舞。今日空
餘惟糞土。睹此景物。寧不悚然。豈不見甚麼聞
人慝了踪。到底何曾見英雄。浮華愈甚。情愈假
。我行我道且由他。莫羨奸邪今得志。強違道義
殊非也。前曾疊訓。茲復淺釋其理。以爲惕勉也
。

呂祖仙師訓示

去年人禍。今歲天災。實緣世道乖違。人心險詐
。騰騰惡毒之氣上冲乎斗牛。所以浩天示警。降
災下民。試觀世界之大。幾無一處樂土。非天灾
則人患。禍亂鼎沸。仙佛慈悲。目覩艱危。何堪
坐視。本港風雨爲患。恐成註定之數。余惟有籌
謀策劃。或未可盡數消弭。避重就輕。減少羣黎

之禍。希望衆多善信。修德行仁。挽回天意耳。

呂祖仙師訓示

人患稍已。天災又臨。本年災害連接迭生。時疫
颶風。雖屢經佛仙聖衆。將一切災情。施以無邊
大法。減重爲輕。以救蒼生劫難。奈何人心乖險
。富者淫佚驕奢。貧者窮兇惡極。並未修德行仁
。消弭劫數。試看目前風禍又來。若此次風勢襲
臨。受劫不堪設想。余與諸佛仙衆。恍然憂之。
無限担心關懷。惟有盡吾等之力量。大法宏施。
最好是邀天之命。感格矜憐。其或未能避免。亦
擬如何消滅災情。避重就輕。務向彼蒼祈禱。福
被生民。凡我同門修道之士。宜齊衆一心默禱。
從此用至善酬謝爲要。

中元帝君題示

雖欲消弭過去孽 求余赦罪立奇功

善功若不重重立 報還因果不通融

呂祖仙師訓示

積善可消災 悔罪福隨來

如何求善果 先自按靈台

張三峯祖師題示

罪過誰能免 只有善功消

改善緣多結 天心有酌饒

上元大帝寶誕日之題詩

呂祖仙師呂岩敬題

天官有意懷胞與
泰啓三羊想不慳
雨順風調民至寶
願教世運好循環

鍾太師鍾離敬題

乞得天官施厚福
當然獲致發慈悲
前因有幸非僥倖
不賜仁人賜與誰

張三峯祖師三峯敬題

天官心事本無私
膺福當爲善士宜
果報從來皆不爽
福德因緣有早遲

濟佛敬題

上元仙官一老
替彼蒼天行道

公正大無私 垂惠人間福
分毫無草草 苟有半點不良心
一些得不到

下元大帝題示

前生業障善能消 今世災危亦可饒
寸心果是力行善 許汝畢生拔禍苗

呂岩敬題

抱道堂前星照耀 災去福臨應有兆
道侶同人善願多 今後天恩當不少

下元大帝寶誕日之題詩

三峯敬題

解厄消災大帝心 福緣好向善心尋
善根種下無邊福 經懺聲聲總福音

三元大帝訓示

一點善心皆紀錄 些須惡意達于天
分明善惡無差謬 爲福爲禍事超然

水官大帝訓示

余是奉天命 解厄濟人間
聞聲能救苦 善惡報循環

地官大帝題示

我心本無私 善者必祐之
良因結良果 天道不更移

南極仙翁題示

花香酒美供壇前
一片真誠信道堅

度世有心恆不輟
自然福壽永綿綿

南極仙翁寶認日之題詩

南極仙翁到題

若然道德滿人寰
求盡天恩賜世間

因善應當報善果
齊增福壽我何慳

純陽敬題

慈祥一老鎮南天
管領蒼生錫福仙

因果分明毫不錯
專向人間結善緣

三峯敬題

尊崇一老位離宮
一切仁人在眼中
不善難瞞翁慧目
禍淫福善那能同

呂祖仙師訓示

逢朔朝參上玉京
同人功德奏分明

是功是過皆詳叙
列表分門紀姓名

善慶福緣因果在
由天賜與不徇情

各堂濟濟諸桃李
累功積德保前程

呂祖仙師訓示

果證天人總有因
融融師弟兩情殷

夠根桃李栽蓬島
出水蓮花脫俗塵

抱道號堂應集體
顧名思義好修身

回頭有岸休迷惘
且看龍華會上人

呂祖師尊訓示

修行架。切勿任摧殘。已入玄門不悟道。今生錯過再生難。再生難。一墮輪迴歸六道。無邊苦海劫重重。那時欲悔伊誰告。可憐歧路兩茫茫。入到黃泉魂蕩蕩。何處回頭只有惶。只有惶。迷離昧昧道遙遙。何世何時始劫消。未昧前因猶可返。一泯根源暮不朝。暮不朝。窮途一去境沉沉。遑論開明見性心。勸君好趁人身在。早聞真道早聆音。

呂祖仙師訓示

茫茫今古渺渺人寰。初本未嘗有我。浩浩造化。偉大機能。忽然生者。適然是我。而適然暫有之我。又不過百年身世。流水行雲。風馳電掣而疾去。不許稍留。無常一到。則渺渺遊魂。隨天淪墮。縱令福德因緣。輪迴又生男體。呱呱墮地。依然五濁人間。從此又作苦惱人生。依然迷惘。若不早離五行。速超三界。則生生死死。都無了却之時。吾一片婆心。大爲我衆生悲憫矣。屠刀一放。極樂則在目前。何況悟道有岸。普度更有仙師。已泛仙槎。一蹴便離苦海。靈台方寸。即有蓬島三山。蓋歸乎來。無邊收納。天人緣結。豈不快哉。

地藏王菩薩訓示

軟紅塵世。衰廣中邊。庸非渺渺樊籠。網羅衆生
於一圍。胥牢囚而待決者耶。嗚呼。天地不仁。
芻狗萬物。其存其沒。實造化之無端。代謝新陳
。豈盈虛之有數。且百年身世。儼然流水行雲。
卮角稚齡曾幾何時。又繁霜滿鬢。生老病死。聖
賢豪傑。伊誰可以逃之。劇憐一旦撒手人寰。無
常到矣。不特前事全空。渺渺遊魂。迷迷惘惘。
流入重泉。縱令不入飛潛走獸之中。輪迴幸生人
體。呱呱墮地。依然五濁人間。若是佛性猶存。
前因未昧。尚可修持佛道。不再重墮三途。但試
問幾人。生便有如斯智慧。即使祖宗積德累功。
富貴利達。生於閥閱之家。恐其六賊七情。青黃
易染。驕奢淫佚。又何處得聞大道哉。其或貧賤
迫人。前無善果。則畢生勞苦。日求衣食不惶。

甚至貪狂妄奪。罪孽愈深。勢將再回地獄。更無窮期。此兩者。皆入循環生死之數。五行三界之中。爲輪爲彈。與世往來。蟲臂鼠肝。由天賦予。令本師度無可度。雖年年勝會孟蘭。勞動許多仙仙佛佛。猶感地獄難清。衆生等。不欲超昇則已。如其志切。免入輪迴。則應從禪學道。以自已道力。奮勇跳出塵劫關頭。猛醒回頭。早登彼岸。一日不容緩矣。

呂祖仙師訓示

寰宇頻傳疾苦聲。慈航普渡最關情。老仙竟日雲端走。祇爲蒼生未易明。方今之世。暴戾氣凝。劫灰遍野。災難紛成。少壯者淪爲夷狄。四維不張。老弱者輾轉溝壑。難

逃疾苦。殊令人觸目驚心。雖有仙佛菩薩苦口婆心。曉諭羣黎。促其回頭猛省。及早修持。庶免塵劫。以冀同登覺岸。無奈迷途日遠。遽自難返。背道而馳者日衆。良可慨也。余願盡度世人。而世人每多失諸交臂。尤爲深惜。各堂弟子暨諸善信。應體師旨。奮自修持。達己達人。肩爲己任。從茲闡揚大道。立己立人。爲功弗淺矣。祈各免之。

呂祖仙師訓示

夢中歲月竟如何。百載浮華一瞬過。
底事紛紜底事擾。塵河未劫恨還多。
人生不滿百。歲月能幾何。
覺來原一夢。何事苦奔波。

世事紛紜。莫非名利迷了心竅。人慾橫流。是以劫奪紛爭。無時或已。到處皆然。寧不悲哉。昔曾以此意示勉。爲我衆徒所當稔悉。惟奈塵海浮沉。未免沾受頹風波及。故特一再惕勉。慎記所言。庶免苦海狂瀾捲逝也。世態多變。吾道抱一。所足懼乎。

呂祖仙師訓示

人性初如雪白絲。美玉無瑕未玷疵。何其漸向蒼黃染。純正真如變色時。愛好痴迷生妄念。利欲薰陶本性離。如何還復初生性。先向靈台潔淨之。眼耳鼻舌與心意。處處觀空不着思。一條返本修行路。覺岸回頭莫再遲。

呂祖仙師訓示

平居無事之時。道心依然堅定。此方是篤信無二。否則信而未篤。一經環境遷移。道心又因而浮動。甚且有患難相求。疑難未解。禱福庇於壇前。其人雖曾信道為門下弟子。吾亦決其非真有信道堅心。實取其私人之福利。倘有此情況。必難獲致。仙佛護持。凡諸種種。有則改之。無則加勉焉。

呂祖仙師訓示

人之誠其意者。心正而身修。故誠之所發。乃齊家治國之本。道不遠人。人之為道遠人。故和衷共濟。乃興邦創業之始。而和衷誠之所發。心有

所憤。不得謂之正。有所喜怒。不得謂之正。故
聖人以視之不見。聽之不聞。至精至專。此心誠
之所以。故謂精誠所至。金石爲開。聞妙道以天
花降。聽法音頑石點頭。故心性爲念。非一誠不
足上達。學道之存思也。捨誠則去之遠矣。飛符
有以動靈神。心香則足以通天表。以世之運化。
杳無踪跡。生不知何以來。死不知何以去。惟利
是視。錙銖以求。皆欲以富貴而傲視同儕。所以
耽於逸樂。競尚奢華。逐鹿於醉生夢死之間。浮
沉於憂勞日拙之境。清靜云。人心好靜。而欲擾
之。乃墮凡流。自失真道。人生不滿百。常懷千
歲憂。故又云。遠觀其物。物無其物。人能常如
是。豈獨左仙翁得其理哉。

呂祖仙師訓示

白雲蒼狗。變幻無常。今日之東。明日之西。淘
盡幾許英雄。空徒拔山之勇。即見無常常在。難
免歎息唏噓。古往今來。能全性命有幾。有道之
士。猶恐人知。無道之士。恐其名之不揚。故
老君曰。上德不德。下德失德。執着之者。不明
道德。專氣致柔。終無知者。憂苦身心。滾滾於
財利之間。爭逐以亡其身。惟錙銖以計較。古之
學者。猶恐名過其學。今之世人。苟非譁衆取寵
。即見沉迷於此二途。奈何三寒二暑之相催。四
大百骸之假合。倏忽而來。忽忽而去。良堪嘆也。

呂祖仙師訓示

請息交以絕遊。惟陶潛之志。蓋在朝之身而不得志也。易曰。括囊無咎無譽。故君子三緘其口。武侯曰。苟全性命於亂世。不求聞達於諸侯。是知人不強天而逆行。蓋處亂世之隱賢也。由知天下綱常。介乎民漢。老吾老以及人之老。幼吾幼以及人之幼。蓋孟子之性善也。性善則中規中矩。方圓有則。故立聖賢之道。盛世也得其用。亂世也亦得其用焉。故率性而修道。非假天命所由。亦懷時濟利之攸德。君不見好強請纓。天奪其命。難成曲全之道。豈堪忍辱以負重。奈何天道茫茫。地道昏昏。鬱鬱而不得志者。終有池龍之嘆。不惟其無才以濟世。實時之不與也。

張三峯祖師訓示

默運凝神靜養修
山高方有神仙洞
切煉神氣精三寶
天性人心合一理
世法當思五常用
咫尺天涯天堂處
春去夏來秋復冬
忽見白頭人老至
天淵洞悉希夷境
不信年老看兒衣
幾多光陰荒廢盡
轉眼雲烟成幻影
滿堂金玉與阿誰
坎滿離虛何日復

紫氣東來大道麻
水深龍靈現鰲頭
嬰兒姪女可從頭
坤維地命司二功
立德由來八德逢
問君已達到幾時
年年歲月了無窮
萬兩黃金作廢銅
苦口婆心勸世人
去年及膝今不如
可憐終歎日暮遲
回頭已是百年身
兆魂已是難相識
百頃良田終朝散

黃泉應是難相憶
飄風不終朝。驟雨不終日。生來似蜉蝣。猶之言
未失。擇善可居心。心志懷道德。虛其心。實其
腹。成真有道問潦潢。百谷之王得其一。千萬言
語總無他。方便於人積善家。凌羅終有腐敗處。
道果千年富貴花。

張三峯祖師題示

古今誰肯死前閑
只爲莫過名利關
大抵人間愁悶事
脫離愁悶奈何難

南極仙翁題示

百歲都無一日閑
名缰利鎖總愁關
關心只爲妻兒苦
拋此情緣世所難

白玉蟾仙師題示

世人何以不曾閑
祇爲名關與利關
關關受到如枷鎖
看不空時脫去難

濟佛題示

名閑利閑飲未閑
我常帶醉入禪關
拋開萬事不回顧
悟到菩提那樣難

張三峯祖師題示

道芽生道果
結處在全真
明台波寂靜
毋沾泥絮塵

惠能老僧題示

渾無住處即禪心
不着言詮有妙音
解得大乘真諦義
禪機默會好追尋

大勢至菩薩題示

顛倒爲緣妄起因
禪心飛絮易沾塵

靈台自照清如月
現出如來自在身

孫真人題示

功果原來有宿因
壺中日月證前盟

會合機緣難勉強
點破痴迷一濯新

呂祖仙師訓示

根由有漏業羈纏
誰憐火宅久熬煎

他年一覺成功果
修道能仁即近禪

呂祖仙師訓示

瑣瑣紅塵十九空 衆生如在夢魂中

蓬萊多少人間種 太息羣迷欠道功

白玉蟾仙師訓示

坐功好。調息要循環。不疾不徐呼與吸。準頭垂對在胸間。坐到意隨神復轉。丹田吸入。週而復始。任圓圓。十二重樓層漸進。尾閭到達廿四節。節節開關。上至泥丸從後轉。混元不息。精氣神三者與乾坤合一。心離腎坎。玄妙境界。不覺見真丹。

呂祖仙師訓示

定靜工夫。心難得定。性難得靜。不爲富貴所動。不因貧賤所移。皆憑一個定字。毋被環境而易。不受外物引生躁急。皆由靜而不動。爐火純青。用此定靜心性而修道功。成佛成仙當能究竟歸真矣。所謂明心見性。修心養性。無非定靜功夫也。

呂祖師尊訓示

修道行功乃階梯也。捨此門徑無捷途。但是人在世法之中。最易爲魔所乘。所謂飢寒窮厄以亂其心。聲律記問又從而破壞其體。最難平息是一個氣字。乃悶氣盛氣抑鬱氣不如所達氣心事不平氣。凡此種種。皆是行功之障礙物。亦是招魔之挪揄處。廉潔自持。奠定生活。不貪妄奢求。行功

之效果乃得進步也。

呂祖師尊訓示

定住心猿。收回意馬。雙目垂簾。鼻尖直向。唇合無多露齒牙。肩膊等均勻。背直坦前胸。此身如坐金鍾架。腿膝水平。足微着地。膝距一拳。兩掌按腿間。中指離膝寸可也。即時胎息養元神。無論如何休說話。徐徐運氣上重台。舌尖引落丹田下。週而復始大循環。久坐自然明運化。不要貪圖久坐。感覺疲勞。隨時可罷。以上歌詞。乃教授初學行功。簡易姿勢。照法坐之。必無生病之虞。時日既久。定能悟出無窮妙理。但有幾不坐。受過度驚恐勿坐。

二。身染微恙勿坐。
三。受哀傷不快勿坐。
四。神智勞倦。作事過勞勿坐爲要。

樊川尊者到題示

走馬長安二十年
金迷紙醉事成烟
邯鄲夢覺揚州地
詩酒清狂風月天
以我多情還薄倖
看人離別與團圓
由情悟到空空色
一笑拈花即是禪

鍾離太祖師訓示

精氣神三者。爲各人修道要訣也。氣養而大。是
氣也。浩然之氣也。不是匹夫之傲氣。及庸愚俗
子凌人之氣。非修心久養。無以貫天地。驚鬼神

。是氣存焉。神仙皆近矣。神者以定靜爲主。一神貫注。精氣皆堅。所謂定靜者何。即我佛所謂無着也。蓋收攝心猿。牽回意馬。泰山崩於前而不驚。由他魔道高深。亦可無亂其心性。真神守戶。道術能堅。吾初時修持。亦咸賴於此。道無二至。先覺後覺。同歸一轍。諸子其勉旃。

華陀仙師訓示

陰陽互濟。演化黃庭。損有餘補不足。六脉分勻。三部既濟。有胃則生。無胃則死。固知黃庭之要也。勞則損神。憂則傷肝。怒則傷心。固肝足以守三魂。肺強而保七魄。兩儀定位。此腎之滋生。象之矣。蛇龜也。青龍朱雀。心肝之列也。肺如虎。金生焉。玄武以固中庭。十二重樓。而咽

嚙。故經絡之包羅。猶天地之覆載。故有諸內必形於外。眼乃心之苗。眸正則心正矣。蓋士心爲志。志正則浩然。君臣俱正矣。編者註：此乃華陀仙師壽世之復命長生秘方。惟此方並非口服乃是實踐力行之方也。

呂祖仙師訓示

神洲千里。莫嫌無心。以歸於太上。值幻景之臨。情有唾然之棄。默然而警息。好將以咸推。即見澤然天地。如明月一輪。呼吸至大。非氣莫可以乘龍。餐食爲最。非十二重樓無以通。故清靜云。人常好靜。而欲擾之。神常好靜。而心擾之。故人能常清靜。天地悉皆歸。

。物之浮燥。蓋如月之陰缺。抑團圓。憂勞擾之。
。羣生品類之態。粟丹以成。謹乎一念。起自先。
天。故太極以有太初。無中以有也。乾法天。剛
而方。坤順乎地。開闔之間。以地氣上昇。天氣
下行。則如人心腎之兩交。其諸泰矣。

呂祖仙師訓示

秉一志願以行功。堅心寧坐自能通。
心猿歸一端。然坐任他魔障擾重重。

呂祖仙師訓示

心猿靜處萬緣空。莫任沉迷六賊中。
不把心猿歸寂滅。更從何處悟玄功。

呂祖仙師訓示

勸君早悟無生理
修行志切定前因
明心不復沾泥絮
蓬萊極樂任棲神

呂祖仙師訓示

方寸靈台裏
應如水月清
不許一塵染
時常懸鏡明
利名難掩閉
勢力不能驚
泰然大自在
渾忘辱與榮
雖居混濁世
明心一樣澄

呂祖仙師訓示

心猿歸一道
六賊便無蹤
一寸天君如水月
寂寞真空
董真漠漠豈痴聾
乍醒前塵一夢
離坎

互交融。既濟圓通。不能寂滅莫行功。胎息難安
頻妄動。丹田絮亂。何以循環氣道。化入虛空。

南海觀世音菩薩訓示

饒一着。休與他爭強弱。忍一時。火坑化作白蓮
池。退一步。便是神仙安淨路。對家對國均此存
心。即可修真。

桃源功德佛訓示

任他顛倒浮遊俗。抱定心頭似鐵堅
得個自然隨化運。終能搭得彩蓮船

廣成仙師題示

我本蓬萊客。逍遙世外仙

只因行善願
逐逐整塵鞭

黃赤松仙師題示

道功初成在能仁
心不慈悲莫問津
從古神仙皆愛衆
何嘗祇有自修身

留侯仙子題示

願作神仙不漢臣
赤松召我去修真
清高豈可爲功狗
位極公侯讓別人

呂祖仙師題示

逍遙何若證仙班
笑我丹成不肯閑
普渡未完功未果
至今時復到人間

呂祖仙師題示

記曾經火宅 一覺夢邯鄲

一悟參玄妙 心傳受大丹

何處蓬萊地 明鏡見仙山

成仙成佛處 即在寸心間

今宵逢聖誕 桃李拜師顏

願諸門下士 後我悟禪關

劉海仙師題示

三界五行世外身 爲行功德到紅塵

度得有緣天上去 不知誰是有緣人

太乙真人仙師題示

纔別蓬萊到此遊 剛風肅肅入深秋

人間尚有神仙境 道侶何人解自修

張子房仙師題示

香江兩岸軟紅塵 角逐豪華日日新
仕女祇知遊宴樂 邯鄲夢醒有何人

黃老祖題示

閑雲野鶴不羈身 入定禪心未染塵
欲度衆生登彼岸 如何慳會有緣人

劉海大仙師題示

人間難得壽閑身 得此閑身修到真
百載光陰如一霎 蓬萊打疊去棲神

李鐵拐仙師題示

奪他天地長生訣

一個葫蘆別有天

竹杖芒鞋無罣碍

蓬萊日月自綿綿

如來佛祖降示

無住無懷無着相

不生不滅不形骸

四大皆空常樂靜

一塵不染別輪迴

觀音菩薩訓示

去暗則留明

去濁則留清

任人情冷暖

不能亂內平

呂祖仙師訓示

問道談玄論教條

葫蘆掩口笑灣腰

無常生滅終歸幻點破機關萬法消

劉雙卿仙姑訓示

若蜃樓若海市日虛無何所似
是輕清來何自至無涯何所止

劉雙卿仙姑訓示

至人忘情。無物無我。惟法自然。消長依伏。寒
署有間。世態乃有炎涼。得無所得。失無所失。
便為真得。一着意念。事乃成幻。如光如電如泡
影。心猿難繫。六賊常窺。豈可不慎乎。

呂祖仙師訓示

無求無妄等神仙
不法凡情法自然

漫道塵寰爲苦海 利名得失在心田

呂祖仙師訓示

精一唯求是道心 誠修玄理衆仙臨
無人無我慧根長 間洞蓬萊鐘鼓音
世人多以凡情而減道心。日荒修持。因自日增煩惱。有負衆仙佛拯挽衆生之苦心。你攘我奪。世事紛紜。復何能已一家然。一國然。世界亦然。實堪浩嘆。今特以『精誠無間』四字爲衆人共勉之。

呂祖仙師訓示

虛無那與俗情爭 能守寸衷識道盟
煩惱襲人因有我 心中澄澈一真生

鍾離太師訓示

望雲思遐遠 何處是故鄉
顛沛復流離 難得此心良
性昧難爲智 天外覓道場
常通一二理 沾沾喜自洋
拒虎雖有法 幾日脫名纒
五色依然在 空遺後人嘗
赤篆有玄機 修丹命自長
甚者飛神去 三界且難強
自然通無極 宗法去無常
紫氣靈音降 豁落大梵間
驚爾南柯夢 財來豈無方
朱門酒肉臭 惜少善心腸

是非終日有 難免復倫常
玉兔雲遮繞 金烏皓氣黃
縱有千年石 難抵不死鄉

鍾離太祖師訓示

學道學佛。佛學道學。兩者不同。所謂學道學佛者。即向仙佛看齊。學仙佛之慈悲救濟心。及其行德。以為自己修持之標本。佛學道學者。不過只係修看道書佛典。誠一種學說名家。並無修持之功力也。故修道修佛之人。要只在乎取法仙佛之修心修性。與功果偉大。方是正當修持之道也。

南海觀世音菩薩訓示

拈起百八牟尼。披着一領袈裟。便誇張神前。我已皈依三寶。其實不知所謂三寶者何。應要如何方是皈依正法。誦經唸佛之五分鐘。或者尚有些少虔心。過此片刻之外。則貪嗔痴。無一不繫在心頭。這種佛徒。任其受到菩薩界。亦不過一個假夢。何嘗有半點禪味。雖我佛慈悲。佛門如海。普度願宏。好難度脫之也。現世佛徒不少如是之輩。殊可嘆也。

太乙真人仙師訓示

修道無非煉一心。心口如一不常人。除去痴貪何作妄。自然亘古一靈魂。

呂祖仙師訓示

貪嗔痴妄難求真
動靜能安保此身
萬法看破終是幻
乾坤日月等微塵

龍樹菩薩訓示

妙到靈台一悟中
大無着處便虛空
應解種花難得莖
此番原理莫迷濛

濟公聖佛訓示

經與懺。一樣是心聲。
莫教口誦如流水。
依然方寸未分明。
打掃靈台無一物。
方能有路達仙京。

呂祖仙師孚祐帝君治心妙經

天生萬物。惟人最靈。
匪人能靈。實心是靈。
心爲主宰。一身之君。
役使百骸。區處群情。
物無

其物。形無其形。稟受於天。良知良能。氣拘欲
蔽。日失其真。此心既失。此身亦傾。欲善其身
。先治其心。治心如何。即心治心。以老老心。
治不孝心。以長長心。治不悌心。以委致心。治
不忠心。以誠格心。治不信心。以恭敬心。治無
禮心。以循理心。治無義心。以清介心。治無廉
心。以自愛心。治無恥心。以積德心。治爲惡心
。以利濟心。治殘賊心。以匡扶心。治傾陷心。
以仁慈心。治暴戾心。以謙遜心。治傲慢心。以
損抑心。治盈滿心。以儉約心。治驕奢心。以勤
慎心。治怠忽心。以坦夷心。治危險心。以忠厚
心。治刻薄心。以和平心。治忿怒心。以寬洪心
。治褊窄心。以傷身心。治沉湎心。以妻女心。
治姦淫心。以果報心。治謀奪心。以禍患心。治

鬥狠心。以正教心。治異端心。以至信心。治大
疑心。以悠久心。治無恒心。以始終心。治反覆
心。以施與心。治慳吝心。以自然心。治勉強心
。以安份心。治搖惑心。以中正心。治偏袒心。
以大體心。治細務心。嗟乎人心。不治不純。如
彼亂絲。不理不清。如彼古鏡。不磨不明。如彼
劣馬。不勒不馴。我故說經。欲治人心。人心得
治。天下清靈。偈曰。一切惟心最危。範圍天
地發光輝。天心即在人心見。人合天心天弗違。

高上玉皇心印妙經

上藥三品。神與氣精。恍恍惚惚。杳杳冥冥。存
無守有。頃刻而成。迴風混合。百日功靈。默朝
上帝。一紀飛昇。知者易悟。昧者難行。履踐天

光。呼吸育清。出玄入牝。若亡若存。綿綿不絕。
。固蒂深根。人各有精。精合其神。神合其氣。
氣合其真。不得其真。皆是強名。神能入石。神
能飛形。入水不溺。入火不焚。神依形生。精依
氣盈。不凋不殘。松柏青青。三品一理。妙不可
聽。其聚則有。其散則零。七竅相通。竅竅光明
。聖日聖月。照耀金庭。一得永得。自然身輕。
太和充溢。骨化寒瓊。得丹則靈。不得則傾。丹
在身中。非白非青。誦之萬遍。妙理自明。經終
。編者註：能悟能誠實踐力行自可通津

太上無極混元一炁度人妙經

清法心言

危微寸衷 萬魔畢攻 顛倒憧擾 昧却虛中

洗	掃	藐	壇	齒	喪	舌	淨	跛	毋	生	潔	乾	本
心	除	爾	法	牙	爾	神	口	踣	荒	而	身	乾	無
朝	污	星	言	冰	之	正	法	不	於	爲	法	惕	一
拜	穢	壇		雪	命	倫	言	作	寢	人	言	惕	物
上	蕩	感		護	昏	通		規	毋	道		咫	亦
帝	滌	格		侍	爾	命		短	醉	德		尺	豈
降	塵	萬		天	之	養		長	於	之		天	空
靈	氛	神		庭	神	神		親	醇	身		宮	空
	嚴	供			何	穢			收	齋			收
	整	必			如	言			束	戒			其
	衣	如			捫	出			肢	沐			放
	冠	儀			舌	口			體	浴			心
	班	几			嚼	穢			祇	亦			以
	列	拂			此	物			謁	許			敬
	齊	沙			菜	入			明	自			爲
	聲	塵			根	唇			神	新			宗

焚香法言

一介凡夫

聊以表誠

假此心香

上達蒼冥

祥烟縹緲

瑞氣氤氳

凝結成蓋

覆護羣生

積成累行

一舉飛昇

秉燭法言

屋漏沈幽

曖昧何休

幽幽冥冥

似夜魂游

焚此蘭膏

如點雙眸

霞光滿室

日月交流

藉是光明

萬聖停留

心地朗朗

即此是求

啓經法言

展誦是經

惕惕虔虔

經自帝勅

義出天文

抱守精炁

統歸於神

存無守有

便得長生

謗非正教

霹靂雷霆

興行妙道

天尊宣示

太上無極混元一炁度人妙經。曰。瓊儒人也。素不諳玄宗。偶於市中酒肆。幸遇正陽帝君。示以玄機。黃梁一覺。遂透玄關。因是棄官修道。徧訪本師。苦行備嘗。得脫殼尸解。證真妙行真人。立願度人。成無上道。屢蒙上帝簡擢。次第加昇。自慙學淺。亦媿寸跬。今庚申八月中秋夕。玉皇上帝。坐金闕光明座上。詔會九霄大聖。十極真人。同諸三界金仙。五岳神祇。講宣混元一炁無上妙法時。有東岳聖帝出班長跪。奏玉帝曰。昔承龍詔命。考察人間十惡重罪。量業加罪。今臣以不孝不悌不忠不信姦盜邪淫者。或殲其嗣。或使其夭。或加諸惡病。或令其顛倒。其有一方習染。大約相似者。或水火。或旱澇。種種警戒。彼終痼惡不悛。伏願慈悲。

憫此愚蒙。加以法外之仁。則蒼生感德。洪恩普
遍。庶不至下民塗炭。汨沒其靈性。未審宏光。
得加法外之仁否。於時
玉帝慈顏憫喻。靈關廓開。普告大眾曰。此等衆
生。所以不孝於親。不友於悌。不忠於君。不信
於友。不別於夫婦。至於奸盜邪淫。靡所不爲者
。皆由喪此元精。失此元氣。以致元神不守舍。
放縱無明。任性施爲。須示本源來路。使復其元
神。則林林總總者。自得各返其天。不致沉於污
濁。爰命某下界。於一陽來復候。降示乩頭。闡
宣正教。某奉命唯謹。敬闡聖意。宣示混元一炁
經典。願爾等衆生。其敬守之。

元炁源流。爲第一節。人生母腹中。一股元炁團
結而成。借母之呼吸。以通天氣。並無雜氣往來
。迨夫一離母腹。失天打破後天之炁。遂踵而行
事。目耗於邪色。耳耗於淫聲。舌耗於美味。心
耗於利欲。於是真元之炁耗散靡遺。將縱其貪心
。肆其邪念。而混元之氣蕩然汨盡。故往往精神
強足。遽至夭喪者。炁先耗耳。亞聖云。無暴其
氣。又云。炁體之充也。能充此氣。即可以爲聖
。可以爲賢。可以成真。可以得道。一理而已。
夫元炁之充。豈唯人爲然哉。天得此氣而常清。
地得此氣而常寧。五岳得此氣而常存。皆此元炁
之周流而無間。可以人而喪此元炁乎。每見幼稚
之子。知識未開。於父母則知愛。於兄長則知敬
。見可哀而悲。見可喜而歡。雖曰天良用事。亦

元炁未散而能然。人苟能兢兢守之。保而勿失。將世無惡俗。人無夭喪。天地清寧。雨暘時若。守身者。此爲第一關要。

栽培元炁。爲第二節。

夫先天一炁。聚之則明。散之則昏。培之者。使之常聚而不散也。自離母腹。一點真炁落於丹田。遂名祖炁。祖炁乃玄關之緊要。即元炁之凝聚也。苟不培之。日散而日亡矣。是以古昔真人。命人調息。所以養此元炁。使聚而不散也。然調息。須調真息。息若徒行呼吸之炁。不能使真元之氣。聚而歸踵。亦屬枉然。先師云。毋意毋必。亞聖云。勿忘勿助。乃是玄關真諦。所以調息一端。不必數息。不必依息。

槃膝靜坐。靜氣凝神。閉目垂簾。下視丹田。使
元炁聚而不散。使鼻息來往。進多出少。則漸而
純熟。此炁自然團結。于中漸而昇。漸而降。充
滿一身。無刻走漏矣。功夫須無間斷。人身一小
天地。天氣之流行不爽豪末。人身亦然。於某時
炁行至明日某時。一週是謂小週天。故培元炁者
。宜於子午時行功。至交陰分。氣歛而不舒。故
當日日整密加功。若或作或輟。功不整密。縱得
玄關秘鑰。無益也。善行功者。先靜其地。次靜
其身。次靜其心。然後此氣行動周身。無往無來
。若存若亡。縣縣密密。混混沌沌。尋之而不可
見。去之而不能舍。此中妙用畧得少許。從此加
功。無難上達。清靜經云。遣其欲而心自靜。澄
其心而神自清。旨哉斯言。其進道之門徑也。

坎離交媾。爲第三節。乾位乎南陽。火也。坤位乎北陰。水也。此先天定位。自先天退位。而後天從事。於是而以坎離代之。坎中一畫。本乾也。而落於陰位。離中二畫。本坤也。而落於陽位。非反覆之。何以復此先天本位。復此先天本位。須取坎填離。其取之之法。非心賢一交之謂也。用功仍在取炁。能此氣上昇泥丸。則不交而自交。昇之之法。只四字而已。提舐吸閉。先垂簾閉目。何謂垂簾。若不閉則神易散。若全閉則入於陰道。於是用垂簾閉法。既坐靜後。乃吸一種清氣。使之內接乎先天。其吸之之後。不可使內元溢出。乃得漸歸丹田。由是以舌舐上顎。使津液盈滿。下灌丹田。如此數次。自然丹田微熱。

。元炁運動至此。則用提法。提者。下提谷道也。
。貫想此炁。行至谷道。乃挺身一提。使此炁由
尾閭達三關。上泥丸。如頭紅面熱一般。然後徐
徐下天堂。降唇中。由重樓而至絳宮。則引火下
降丹田。而一身暢美難言矣。如此日日一週。則
由勉而安。由安而化。丹田元炁。自充塞無間。
純熟後。炁上昇。則火自下降。水火既濟。則坎
宮之真陽。與離宮之真陰。有不混合乎。此謂取
坎填離徑法。

涵養沐浴。為第四節。元氣未全。則抽添功力。
不可一日間斷。若既已充足。則必思所以養之。
此時之養。無從著力。須從一片靜默中得之。無
矜情。無躁氣。無嗔恚。無寒冷。刻刻靜坐。使

吾身之內。常有太和氣象。春光明媚。天無浮雲。
。地無霾障。一種清光。徧於身體。漸養漸醇。
漸醇漸靈。久之則靜坐時。有一團白光。從天根
現出。如月之光。轉輾不散。此絳宮中真氣發露
也。又久之。則靜坐時。有一團紅光。從天根現
出。轉輾不散。此靈谷中真炁發露上昇。到此地
位。須愈加涵養。身如枯木。心若死灰。無一點
意念透起。至此時。則昇降自然。周而復始。無
一息之停。乃天地之真元。聚而不散時也。從此
則天根發現。復有一團金光透露虛空。轉輾不散
。聚露既久。徐徐收歸內府。再養再放。此乃沐
浴功夫也。到此時候。即龍虎俱降候也。然猶不
可自恃。一念稍弛。則此光又散。所謂存無若有
。若存若亡者。正此候耳。上下關頭一過。則無

處非功行矣。唯此際最難進道者。其倍加涵養乎。
朝元胎就。爲第五節。夫炁既凝於靈谷。則上下
交。而五行之生尅自全。故木金相配之後。而刀
圭遂合矣。刀圭不合。則戊土與己土。終未混合
。故升降之際。又須巽風吹動鎔鑄。而使其自合
。五行之炁。各得其全。則混合而無間矣。於是
而團結者。始聚於一處。而上朝矣。聚之久。漸
成聖胎。如嬰兒之在腹。隨炁而運。是又當有以
保之。此時凡有一切外事。悉屏棄無遺。一如木
石。使坐靜間。無一息之凝滯。則胎漸可成就。
然功夫到此。愈加縝密。稍有阻滯。仍流散於俄
頃。則此混元。又將走脫。故當如太空之中。無

一點雲蔽。則水中之珠。自光吐萬丈。至此又不
使之透露。須又加之迴光返照功夫。刻刻迴光。
時時返照。而又不容著力。養之既久。則聖胎成
。而可以出現矣。其出現時。隨一片金光上昇。
目中所見。不可畏懼。亟歛金光。使之復歸原處
。如此日日現出。日日收斂。則漸而老成。又別
有境界矣。爾衆生。其無視此爲易到。亦毋視此
爲難到。則得矣。

神化無方。爲第六節。自聖胎成後。難言功矣。
欲見之而不可即。欲聞之而不得聲。身外尋身。
道中求道。須身親其境。不能以語言文字求也。
領悟無上無極。則從此神遊宇內。身化無方。而
飛昇在即矣。然尚須行滿三千六百之行。若未能

滿。則亦常存世間耳。所以立願度人。最爲要事。○誓願滿足。遂看機緣。夙緣深則明師之度我也。速。夙緣淺則明師之度我也。遲。然遲速有時。而明師終不能舍我。故凡人生在世。須當自家庭孝悌始。以及宗黨。以及朋友。以及州里。更推而及於君王。更推而及萬物。皆從此一點元炁流貫於中。何患神仙之不可階而升也。試看孝子忠臣。何嘗自幼出家。勤行修道。而未嘗不在仙班。則知丹學之功。雖不可少。而未始不自立身行己。基之也。爾衆生其敬而守之。蓋聞丹學無宗。淵源各別。得其關鑰一理而已。不得其傳。則隨遇而各出一種語意。至後人莫可趨嚮。總之不得其端委耳。即如丹經中名樣。曰嬰兒。曰姹女。曰黃婆。曰黃芽。曰鉛。曰汞。種

種名號。皆後人隱其意。而使人尋索也。究而言之。不過曰陰曰陽。而陰陽總原於太極之無極。一以貫之。任千萬丹師。不出此矣。某於此典明白指示。不雜一字隱語。蓋以答

上帝矜憐之厚意。而使蚩蚩者。得有自而入也。玉帝已喜臣典之明了。頒示諸曹。爾等其尋味而玩索之。當得混元保合。不至爲宇內之匪人云。某奉命謹撰。太上無極混元一炁度人妙經。經終。

呂祖仙師訓示

知抱道。已是識修行。長得善根培佛果。楊枝甘露洒輕輕。從此悟無生。

普陀禪院觀世音降示

楊枝水。洒向軟紅塵。灌頂醍醐生佛性。蓮池海會證斯人。同樂度迷津。

鐘離太祖師題示

一竅玲瓏七竅通。衆緣不着萬緣空。參知盡在虛無處。悟道應從微妙中。

呂祖仙師題示

鎮日蓬萊淨業閑。閑情拋却入禪關。關懷獨爲羣生度。度一蒼生每感難。

張三峯祖師題示

不求聞達愛研經
泉石烟霞養性靈
悟到長生真秘術
肯容衆醉獨爲醒

呂祖仙師訓示

仙佛大願。普度衆生。無奈蓬萊極樂雖然廣大無邊。不納凡念牽連人士。但仙佛本慈悲之念。仍然造福人間。果然善因多種。功德無虧。定庇其福壽康寧。孫賢子孝。俾其五倫八德。世法之責任完成。人間之享樂身受無餘。回首凡塵之富貴利達。不過如是。而一旦觀空。不難擺脫。則蓬萊極樂。仍大有可能修到。願修行諸子。勉力勉力。毋負此生爲要。

願將我修持
普度諸眾生
同得無生悟
正覺早完城

壬子秋
普名氏

福星編後言

九層之臺起於累土
千里之行始於足下

太上之言極功之道

希名氏

至德雄	王德渭	熱心善衆	謝劍修	銜葭蓮	孫美蓮	朱沛昌	有名氏	王寶馨	周振中	簡信修	李煊修	余義修	葉綿修	趙仲謀	余國民	盧楓松	天青草堂	仁楓洞	銜道善士名榜
伍佰元	伍佰元	伍佰元	伍佰元	伍佰元	伍佰元	伍佰元	伍佰元	伍佰元	伍佰元	伍佰元	伍佰元	伍佰元	伍佰元	伍佰元	陸佰元	叁仟元	伍仟元	伍仟元	
麥勤修	黎勝蓮	黃葆基	陸燕修	清善壇	鄭令修	吳彌修	冼慧慈	林勝修	吳劍蓮	易智齡	鍾文靜	鄒肖靜	葉崑蓮	周洞照	李卓穎	李卓儒	周潔慧	陳治貞	王德財
貳佰元	貳佰元	貳佰元	貳佰元	貳佰元	貳佰元	貳佰元	貳佰元	貳佰元	貳佰元	貳佰元	貳佰元	叁佰元	叁佰元	叁佰元	叁佰元	叁佰元	四佰元	五百元	五百元
翁羨蓮	林宅	何原修	李慧和	江宿修	林敏忠	林奕雄	戴韻蓮	余美儀	余嘉仁	余道亨	余嘉賢	梁雪芬	韋婉婷	韋婉萍	吳三女	吳佑昌	梁潤山	植先生	徐効蓮
一百元	一百元	一百元	一百元	一百元	一百元	一百元	一百元	一百元	一百元	一百元	一百元	一百元	一百五十元	一百五十元	一百五十元	貳佰元	貳佰元	貳佰元	貳佰元
姜業珍	植暢修	戴善修	陳旭兒	黎國華	譚頓修	何圓蓮	蔡宅	陳覺濃	周慧璋	周慧玉	周慧涓	周劭展	周良柱	楊惠琴	楊錦蓮	李慧和	黃蔡崑修	黃金喜	
一百元	一百元	一百元	一百元	一百元	一百元	一百元	一百元	一百元	一百元	一百元	一百元	一百元	一百元	一百元	一百元	一百元	一百元	一百元	一百元

盧啓泰	郭薰蓮	黃林笑梅	梁林笑梅	歐陽卓蓮	梁蕙玲	陳章應	吳瓊瑜	何傑榕	葉添	陳珍	譚耀光	呂玉嬋	韓少菲	勞善之	歐陽宅	林躬修	何傑榕	李順喜	林少麟	何樹琪
伍十元	伍十元	六十元	六十元	一百元	一百元	一百元	一百元	一百元	一百元	一百元	一百元	一百元	一百元	一百元	一百元	一百元	一百元	一百元	一百元	一百元
晏家偉	黎潔貞	石燦輝	簡澤深	簡福民	簡振詔	簡瑞貞	晏鄭雪英	晏潔媚	晏家輝	張志華	鄧婉文	蔣福宙	余振昌	魏冬麟	林艷瓊	阮煜蓮	黃兆蓮	曹廣修	張修清	張迺修
二十元	二十五元	二十五元	二十五元	二十五元	二十五元	二十五元	三十元	三十元	三十元	三十元	三十元	三十元	三十元	三十元	五十元	五十元	五十元	五十元	五十元	五十元

▲此書免費贈閱▼
 讀後如不作保存請轉送親友·十方善款
 敬請珍惜·輾轉流通功德無量。

願此助印功德

您閣府

吉祥如意

福慧增長



天運癸酉年

抱道堂發動重刊

『福星』第一期至第五期 每期三千本
覺世救若感應新篇三千本

合共壹萬八千本

共銀貳萬叁仟伍佰元正

善信捐助不足之數則由抱道堂支付



荷蒙

仁楓洞

天青草堂

贊助支持

特此鳴謝

傳之者功

印之者德

行之者昌

證之者壽

如蒙索閱

當即奉贈

倘承翻印

更表歡迎

抱道堂

香港北角書局街23號十八樓

電話：五六三二六七四

仁楓洞

荃灣衆安街110號三樓

電話：四九二二〇〇二

贈送處

天青草堂

洛克道521號三樓

電話：八九三五三七五